



Inatsisartunut Ilaasortaq Per Rosing Petersen
/MAANI

§ 37 malillugu apeqqummut nr. 237-mut akissut

Asasara Per Rosing-Petersen,

Inatsisartut suleriaasianni § 37 imm. 1 naapertorlugu apeqqutinik ataaniittunik saqqummiussivutit. Apeqqutit issuarneqarput tulliuuttumilu ataasiakkaarlugit akineqarlutik.

03-10-2016
Suliap normua: 18502
All. nr 3605706

Postboks 1340
3900 Nuuk
Oqarasuaat (+299) 34
50 00
All. (+299) 32 93 98
E-mail: nap@nanoq.gl
www.naalakkersuisut.gl

1. Illersornissamut isumaqatigiissut naammaginnartinnagu isumaqatigiilluta nalunaareerluta atorunnaarsissinnaavarput? Imaluunniit aatsaat Naalagaaffinngorutta namminerisatsinnik tunngaviummik inatsiseqarluta tamanna pisinnaavaa?

Illersornissaq pillugu isumaqatigiissut 1951-imeersoq ilassutitut isumaqatigiissutitalik Naalakkersuisut namminersuutigalugu atorunnaarsissinnaangilaat. Tamatuma saniatigut, aamma isumaqatigiissummi immikkoortortaq XIV, imm. 2 naapertorlugu, piffissamut atuuffiusumut tunngatillugu, taanna NATO-mut uiguleriissinneqarpoq, taamaalilluni iligiinneq atorunnaarpat atuutiinnarsinnaangilaq.

Nunatut namminiilvinnerput nalunaarutigissagutsigu, nunanut allanut, illersornissamut isumannaallisaanermullu politikkimut tunngasunut tamanut nalinginnaasumik tunngaviginiagassat soorunami pissutsit nutaat atuutilissapput.

2. Nunatsinnuli iluaqutaasussamik nunatta illersornissaa pillugu tamanut ammasumik isumaqatigiinniarsinnaavugut?

Kalaallit Nunaata kisimiilluni illersornissaq pillugu isumaqatigiissummut tunngassuteqartut isumaqatigiinniarnert aallartissinnaangilai. Isumaqatigiissummi immikkoortortaq XIII, imm. 3 naapertorlugu peqataasut (USA aamma Danmark, maanna Danmark/Kalaallit Nunaat) illersornissaq pillugu isumaqatigiissutip allangortissinnaanera pillugu saaffiginninnissamut kinaluunniit isumaliutiginninnaasoq isumaqatigiipput. Sunaluunniit allanguutaasoq ataatsimoorluni akuersissuteqarneq pisariaqarpoq. Naalakkersuisut naatsorsuutigaat, nunat assigiinngitsut akornanni

isumaqatigiinniarnerni allattuulli tamani Kalaallit Nunaannut qularnaatsumik iluaqutaasumik isumaqatigiissutit aallaavigalugit isumaqatigiinniartoqartassasoq.

3. Nunanut allanut politikkip nunanut allanut niueqateqarnermut ullutsinni avissaartinneqarsinnaannginneri isumaqatigaajuk?

Nunanut allanut politikki, takuuk namminersorneq pillugu inatsimmi kap 4, nunanut allanut aamma niuernerq pissutsimikkut avissaartinneq ajornartuusut, tassunga namminersorneq pillugu inatsit inatsisitigut tunngavigalugu Naalakkersuisut pinngitsooratik isumaqatigisariaqanngilaat. Nunanik allanik niueqateqarnissamik isumaqatigiissutit § 12-imi pisinnaatitsinermik aaqqissuussinermut ilaasinnaapput, kisiannili nalinginnaasumik nunanut allanut politikki taamaannani, takuuk namminersorneq pillugu inatsimmi § 13. Nunanut allanut politikkip nunanullu allanut niuernerup qanimut ataqatigiissinnaanerannut Naalakkersuisut isumaqataapput.

Med venlig hilsen
Inussiarnersumik inuulluaqqusillunga